

Radionica „Geoprostorni podaci za transparentno vođenje“ održana u Sarajevu

23.09.2025 13:28



U prostorijama Federalne uprave za geodetske i imovinsko-pravne poslove dana 23. septembra 2025.godine održana je radionica pod nazivom „Geoprostorni podaci za transparentno vođenje“. Edukacija je sprovedena u okviru projekta GeoConnect – Povezivanje geoinformatičkih ekspertiza za odgovorno i transparentno upravljanje, koji se finansira putem Netherlands Enterprise Agency (RVO) u okviru programa Matra Government-to-Government (Matra G2G).

Cilj radionice je jačanje pedagoških i tehničkih vještina potrebnih za buduće obuke u području geoinformacija i prostornih podataka, te osnaživanje kapaciteta za primjenu standarda usklađenih s EU

INSPIRE direktivom. Poseban akcenat je stavljen na primjenu savremenih metoda učenja i kolaborativne pristupe, s ciljem osiguravanja dugoročne institucionalne održivosti.

Program radionice je obuhvatao niz predavanja, interaktivnih sesija i aktivnosti. Nakon uvodnog predstavljanja ciljeva te pregleda strateških smjernica nacionalne infrastrukture prostornih podataka (NSDI), učesnici su predstavili institucionalne perspektive i iskustva. Posebnu su pažnju privukla izlaganja o konceptima i praksi NSDI i INSPIRE direktive, metodama poučavanja odraslih, kao i studije slučaja iz Holandije, Australije i Bosne i Hercegovine.

Na radionici su učestvovali predstavnici univerziteta, srednjih škola te Federalne uprave za geodetske i imovinsko-pravne poslove. Radionicu su vodili međunarodni predavači Rohan Bennett i Dimo Todorovski, čija su iskustva i pristupi značajno doprinijeli kvaliteti programa i interaktivnosti.

Ova radionica označila je važan korak u jačanju kapaciteta domaćih stručnjaka i institucija, potvrđujući značaj međunarodne saradnje u izgradnji održive infrastrukture prostornih podataka u skladu sa evropskim standardima.